



JABATAN PERKHIDMATAN VETERINAR MALAYSIA

LAPORAN LIPUTAN MEDIA

15 September 2020

1. Hawar berdarah punca kerbau mowgli Malaysia mati
2. Hari sedih buat budak kerbau
3. Hidung kerbau berair, najis berdarah
4. Malaysian Mowgli's beloved buffaloes die of disease
5. 3 ekor anjing dikurung tak diberi makan

OLEH:

**SEKSYEN KOMUNIKASI KORPORAT
BAHAGIAN PERANCANGAN STRATEGIK DAN PENILAIAN VETERINAR
JABATAN PERKHIDMATAN VETERINAR MALAYSIA**

KERATAN AKHBAR

Tarikh: 15 September 2020

Media Cetak/Elektronik	Berita Harian	Catatan:
Ruangan	Nasional	
M/Surat	19	
Perkara	Kawalan Penyakit	

Hawar berdarah punca kerbau Mowgli Malaysia mati

Lebih 30 ternakan mati sejak Rabu lalu

Oleh Ahmad Rabiu Zulkifli
bhnews@bh.com.my

Kuala Terengganu: Lebih 30 daripada 110 kerbau milik keluarga Muhammad Syukur Khamis, 15, atau lebih dikenali sebagai 'Mowgli Malaysia' mati, sejak Rabu lalu.

Beberapa kerbau mati bergelempangan di dalam kandang di Kampung Banggol Katong.

Muhammad Syukur berkata, dia terkejut apabila mendapati kerbaunya mati secara tiba-tiba.

"Padahulunya hanya seekor yang mati pada Rabu tanpa sebarang tanda kematian dan disangka penyakit biasa."

"Keesokan harinya, seekor lagi yang mati sebelum dua ekor pada Jumaat, empat pada Sabtu dan 11 pada Ahad."

"Hari ini (semalam) sahaja 10 mati dan dijangka lebih lima lagi yang akan mati kerana sebab sama," katanya ketika ditemui, di sini semalam.

Katanya, dia sangat sedih dengan kejadian itu, malah semua ahli keluarga bersedih.

"Kerbau itu diternak lebih 50 tahun, pasti membuatkan kami sedih terutama ayah, Khamis Jusoh, 64."

"Ayah yang paling sedih dengan kejadian itu. Ini kali pertama berlaku dan dibimbangi semua kerbau akan mati."

"Kerbau kesayangan saya iaitu Samek dan Along setakat ini masih dalam keadaan baik dan sudah disuntik vaksin," kata-nya.

Sementara itu, Khamis berkata, kakitangan Jabatan Perkhidmatan Veterinar (JPV) Terengganu sudah menyiasat punca kematian kerbau.

Kerbau yang mati itu hanya mengalami selesema tanpa menunjukkan tanda diserang penyakit. Kerugian dianggarkan RM200,000.

**Khamis Jusoh,
Bapa Mowgli
Malaysia**

"Kerbau yang mati itu hanya mengalami selesema tanpa menunjukkan tanda diserang penyakit," katanya.

Beliau berkata, kerugian dianggarkan RM200,000.

Sementara itu, JPV Terengganu mengesahkan lebih 30 ekor lembu milik keluarga diserang penyakit Haemoragic Septicaemia (HS) atau hawar berdarah.

Pengarahnya, Dr Mohd Termizi Ghazali, berkata berdasarkan keadaan kematian kerbau, selain rekod kematian kerbau di tempat lain, ia disahkan penyakit HS.

"Penyakit HS bermula sejak Ogos lalu, sudah pulih selepas namun, ada semula pada 12 September. Saya sudah ingatkan penternak supaya sentiasa me-

nyuntik vaksin pencegahan HS ke atas ternakan mereka."

"Malangnya tidak semua penternak yang akur dengan arahan dan memberi kerjasama," katanya ketika dihubungi semalam.

Mohd Termizi berkata, kes hawar berdarah itu bermula di Kampung Tumang Jerong, Ma-

rang.

"Kes pertama HS bermula pada 9 Ogos membabitkan kematian 22 kerbau dan 15 lembu dan kematian terakhir pada 28 Ogos lalu. JPV memulakan pemvakuman HS pada 30 Ogos ke atas 675 lembu dan 58 kerbau milik 106 penternak di 12 kampung."

"Pada 12 September berlaku kes HS baharu di Kampung Banggol Peradong membabitkan

Penyakit Haemorrhagic Septicaemia (HS) atau hawar berdarah

- Penyakit akut pasteurellosis disebabkan bakteria Pasteurella multocida Carter's Type B
- Menyebabkan septisemia akut pada lembu dan kerbau, tetapi jangkitan lebih mudah kalangan kerbau.
- Simptom penyakit - ternakan kelesuan, murung, tidak aktif, demam, mulut dan hidung berair, Bengkak pada kepala, leher dan dada.
- HS menyebabkan kematian dalam masa 8-24 jam selepas dijangkiti
- Jarang ada haiwan sembah.



ripada JPV bagi mengelakkan penularan wabak.

Katanya, haiwan di kawasan yang ada wabak dilarang dipindahkan ke tempat lain.



Saya sudah ingatkan penternak supaya sentiasa menyuntik vaksin pencegahan HS ke atas ternakan.

**Mohd Termizi Ghazali,
Pengarah
JPV Terengganu**



Muhammad Syukur bersama bapa melihat ternakan di Kampung Banggol Katong, Kuala Terengganu, semalam.

(Foto BERNAMA)

Menteri minta keluarga bersabar

Kuala Terengganu: "Syukur dan Pak Khamis pasti sangat sedih sekaran dan perlu banyakkan bersabar," kata Menteri di Jabatan Perdana Menteri (Hal Ehwal Agama), Senator Dato Seri Dr Zulkifli Mohamad Al-Bakri.

Ucapan itu dibuat Zulkifli melalui akaun Instagram (IG) miliknya berikut kematian lebih 30 kerbau milik keluarga

Muhammad Syukur Khamis. Zulkifli menerusi akaun IG miliknya berkata, "Anakanda Syukur sekeluarga, banyakkan bersabar. Saya dimaklumkan, Syukur dan Pak Khamis amat sedih sekarang."

"Saya ingin berpesan untuk diri saya juga semua yang membaca, hidup dan mati milik-Nya."

"Jasad kita juga adalah

milik-Nya. Sedih itu hal yang biasa namun usah terlalu bersedih kerana ia adalah putaran biasa kehidupan makhluk Allah SWT."

"Maha suci Allah yang mengikat pertalian kasih antara manusia dan haiwan dengan sebegini erat. Insya-Allah ada hikmah yang tersembunyi di sisi-Nya," katanya.



KERATAN AKHBAR

Tarikh: 15 September 2020

Media Cetak/Elektronik	Harian Metro	Catatan:
Ruangan	Korban Hawar Berdarah	
M/Surat	2-3	
Perkara	Kawalan Penyakit	

A newspaper spread from Berita Sore featuring a large photograph of a dead cow on the left page. The headline 'korban hawar berdarah' is at the top. A small inset image shows a cow and a calf. Below the main photo is a caption and a signature. The right page has a smaller photo of a boy interacting with a cow, with another headline and text below it.

KERATAN AKHBAR

Tarikh: 15 September 2020

Media Cetak/Elektronik	Kosmo	Catatan:
Ruangan	Negara	
M/Surat	2	
Perkara	Kawalan Penyakit	

36 ekor haiwan peliharaan bernilai hampir RM200,000 mati akibat hawar berdarah

Hidung kerbau berair, najis berdarah

Oleh MOHD. AZLI ADLAN

KUALA TERENGGANU – "Kerbau-kerbau itu kelihatan lemah, hidung berair dan najis berdarah sebelum ditemui mati begelim-pangan keesokan paginya."

Demikian cerita Muhammad Syukur Khamis, 15, yang dikenali sebagai 'Mowgli Malaysia' dalam keadaan sugul mengenal 36 kerbau peliharaan bapanya yang mati mengejut akibat penyakit Hemorrhagic Septicemia atau hawar berdarah di Kampung Kubang Bujuk di sini.

Pelajar tingkatan tiga itu berkata, hatinya luluh apabila kerbau-kerbau peliharaan bapanya, Khamis Jusoh, 64, yang berusia antara dua hingga lima tahun itu mati sejak Rabu lalu.

"Pada mulanya empat ekor mati diikuti kerbau-kerbau lain termasuk 11 ekor pada hari ini (semalam).

"Saya reda tetapi dalam hati amat sedih sebab menganggap kerbau-kerbau ini seperti sahabat sendiri kerana sudah menjaganya sejak saya berusia enam tahun lagi," katanya ketika ditemui di kandang kerbau bapanya di Kampung Kubang Bujuk di sini semalam.

Muhammad Syukur berkata, dia juga tidak pergi ke sekolah sejak Rabu lalu kerana fikirannya runting memikirkkan nasib mengimpa kerbau-kerbau itu.

Dia berharap agar penyakit tersebut tidak akan menjangkiti tiga kerbau kesayangannya iaitu Semek, Tokol dan Along yang kesemuanya berusia kira-kira



SYUKUR sedih mengenangkan 36 ekor kerbau peliharaan keluarganya mati akibat penyakit hawar berdarah di Kampung Kubang Bujuk, Kuala Terengganu semalam.

dua tahun.

"Saya hanya mampu berdoa tiada lagi kerbau peliharaan kami mati selepas ini," katanya.

Sementara itu, Khamis berkata, ini kali pertama dia mengalami kejadian sebegini sejak lebih 50 tahun mengembala kerbau.

"Kerugian yang saya alami setakat ini dianggarkan hampir RM200,000. Walaupun perit, saya anggap ini ujian buat kami sekeluarga dan sebagai asam gambaran sebagai penternak kerbau.

"Saya difahamkan sampel darah haiwan yang mati itu telah dibawa pegawai Jabatan Perkhidmatan Veterinar untuk dianalisa," katanya.

Sementara itu, berita musibah menimpah keluarga Muhammad Syukur mendapat perhatian sebahagian pemintanya yang meniarahinya di kandang kerbaunya untuk melahirkan rasa sedih.

Salah seorang daripada mereka, Hazeera Razali, 29, dari Bacang, Melaka berkata, dia

dan keluarganya terus ke kandang kerbau Khamis sebaik mengetahui berita sedih tersebut menerusi media sosial.

"Kami yang melancang di Terengganu sejak Sabtu lalu singgah sebentar ke kandang kerbau Muhammad Syukur kerana bersimpati dengannya," katanya.

Sementara itu, Pengarah Jabatan Perkhidmatan Veterinar Terengganu, Dr. Mohd. Termizi Ghazali berkata, penyakit hawar berdarah telah menyerang hal-

Hawar berdarah

- Disebabkan bakteria Pasteurella multocida Carter's Type B
- Menyerang kerbau, lembu dan babi
- Simptom penyakit seperti haiwan kemurungan, Bengkak di kepala, leher dan dada, mulut dan hidung berbusa dan sukar bernafas
- menyebabkan kematian dalam jangka masa 8 - 24 jam selepas dijangkiti dan jarang ada haiwan yang sembuh selepas dijangkiti

wan ternakan seperti kerbau dan lembu di sekitar daerah ini dan Marang sejak Ogos lalu.

"Setakat ini, 22 kerbau dan 15 lembu telah disahkan mati akibat penyakit itu sehingga 28 Ogos lalu sebelum dapat dikawal semula pada hujung bulan lalu," katanya.

Menurutnya, setakat ini, pihaknya telah memberi suntikan vaksin terhadap 675 lembu dan 58 kerbau milik 106 penternak di 12 kampung di kedua-dua daerah terbabit.

"Halwan ternakan itu juga tidak dibenarkan dipindahkan ke lokasi lain bagi mengurangkan risiko penularan wabak hawar berdarah itu," katanya.

Syukur mula terkenal sejak awal tahun lalu selepas gambarinya bermesra dengan se-kumpulan kerbau sering memenangi anugerah fotografi antara bangsa termasuk yang terbaru Imej Asia 2020 bagi bulan Ogos bagi kategori Orang/Jalan-jalan oleh Asian Geographic.

KERATAN AKHBAR

Tarikh: 15 September 2020

Media Cetak/Elektronik	News Straits Times	Catatan:
Ruangan	News	
M/Surat	12	
Perkara	Disease control	



Muhammad Syukur Khamis with one of his buffaloes that died on his farm in Kampung Banggol Katong, Kuala Terengganu, yesterday. BERNAMA PIC

Malaysian Mowgli's beloved buffaloes die of disease

AHMAD RABIUL ZULKIFLI
KUALA TERENGGANU
news@nst.com.my

MORE than 30 buffaloes belonging to Muhammad Syukur Khamis, better known as the Malaysian Mowgli, were found dead since last Wednesday.

The youngster, known for his unique bond with the animals on his father's farm, made headlines and captured hearts last year.

The 15-year-old is puzzled by the mysterious deaths of the water buffaloes at the farm in Kampung Banggol Katong.

"At first, only one buffalo died on Wednesday. There was no sign of sickness and we thought it was the result of some usual disease."

"But the next day, another died. There were two more deaths on Friday, followed by the demise of four buffaloes and 11 more on Saturday and Sunday."

"Just today (yesterday), 10 more died. We believe five (of the deaths) were caused by the same sickness," he told the *New Straits Times* at the farm here yesterday.

Syukur said he and his family were devastated by the deaths of the buffaloes from their 50-year-old family-owned farm.

"The buffaloes were raised by us. Of course, it made us sad, especially my father, Khamis Jusoh. He is the most affected by the situation."

"This is the first time it happened to us. We fear that all the buffaloes will eventually die."

"My two favourite buffaloes, Samek and Along, however, are still in good shape and have been vaccinated as a preventative measure."

Meanwhile, Khamis, 64, said the family had yet to find the real cause of the sudden deaths of his buffaloes.

He said the bovines displayed only flu symptoms and did not show any signs of illnesses before their deaths.

"There is a possibility that the animals died from haemorrhagic septicaemia (HS)."

Khamis said the deaths of his buffaloes left him with losses of about RM300,000. The curious deaths were shared by a Facebook user, Dallah Deen, and the photos have since gone viral on the social media platform.

The Terengganu Veterinary Department later confirmed that the buffaloes died of HS.

Department director Dr Mohd Termizi Ghazali said the HS disease was detected in August and was eradicated temporarily but there had been a resurgence since Sept 12.

"I had reminded farmers to inject their livestock with HS preventive vaccines. Unfortunately, not all farmers complied with the instructions. In the end, this was the result and they suffered losses."

Termizi said the HS outbreak was initially detected at Kampung Tumang Jerong, Marang.

"The first HS case was detected on Aug 9 involving the deaths of 22 buffaloes and 15 head of cattle. The last death was recorded on Aug 28."

"The department began HS vaccination on Aug 30 on 675 head of cattle and 58 buffaloes belonging to 106 farmers in 12 villages."

"On Sept 12, there was a fresh HS outbreak in Kampung Banggol Peradong, which caused the deaths of seven buffaloes," he said.

He hoped that all breeders would be patient and comply with the instructions issued by the department in dealing with the outbreak.

Termizi said this included restricting the movement of livestock.

"Also limit the arrival of livestock trucks to the farms," he added.

He said the department had barred the transport of HS-afflicted livestock to other areas.

KERATAN AKHBAR

Tarikh: 15 September 2020

Media Cetak/Elektronik	Kosmo	Catatan:
Ruangan	Negara	
M/Surat	13	
Perkara	Kebajikan Haiwan	



GAMBAR dua sangkar anjing yang didakwa menjadi mangsa aninya.

3 ekor anjing dikurung, tak diberi makan

JOHOR BAHRU – Seorang lelaki bertindak kejam apabila mengurung tiga ekor anjing tanpa memberi makan dan minum di rumahnya di Jalan Hang kasturi 1/7, East Ledang, dekat sini kelmarin.

Kejadian itu disedari empat wanita yang juga jirannya sebelum gambar binatang peliharaan itu tular di laman sosial, Facebook.

Sharina Ali, 46, memberitahu, dia bersama tiga rakan yang lain telah bersemuka dengan penghuni rumah tersebut untuk menegur perbuatan tidak bertanggungjawab mereka serta meminta memberi penjagaan terbaik untuk haiwan berkenaan.

Katanya, teguran itu bagaimanapun mendatangkan kemarahan kepada lelaki tersebut yang bertindak bercakap lucah, menyentuh isu perkauman, mengugut keselamatan jiran serta menayangkan punggungnya terhadap mereka.

“Dia juga memberi amaran bahawa soal anjing peliharaan itu adalah masalah dia dan orang lain tidak perlu masuk campur,” katanya menerusi hantaran di

Facebook miliknya, Sabtu lalu.

Susulan kejadian itu, dia membuat laporan polis serta Jabatan Veterinar berkenaan isu tersebut selain akan membuat semakan dengan pihak Majlis Bandaraya Iskandar Puteri sama ada lelaki berkenaan mempunyai lesen atau sebaliknya.

Hantaran Sharina beserta gambar dua ekor anjing baka + Golden Retriever berhimpit dalam satu sangkar besi, manakala seekor Siberian Husky yang dilettakkan dalam sangkar berasingan.

Sementara itu, Ketua Polis Daerah Iskandar Puteri, Asisten Komisioner Dzulkhairi Mukhtar mengesahkan menerima laporan berhubung kes berkenaan.

Katanya, pemilik anjing berkenaan sudah ditangkap polis dan pihaknya juga telah merujuk kes berkenaan kepada Jabatan Veterinar untuk tindakan lanjut.

“Susulan laporan tersebut, kita telah menangkap pemilik anjing peliharaan itu atas kesalahan Seksyen 506 dan kes disiasat di bawah Seksyen 298 Kanun Keksaan,” ujarnya.